



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400;
fax. +387 33 726 423;
e – mail: info@voda.ba .

Broj: **10-708-17/24**
Datum: 21.10.2024. godine

Na osnovu člana 70. stav (3) i (6) Zakona o javnim nabavkama ("Službeni glasnik BiH", broj 39/14, 59/22, 50/24), donosim

ODLUKU
o poništenju Odluke o izboru najpovoljnijeg ponuđača broj 10-708-14/24 od 30.9.2024. godine i izboru najpovoljnijeg ponuđača za javnu nabavku usluga „Hidrografsko snimanje korita rijeke Save u Federaciji BiH“

Član 1.

Poništava se Odluka o izboru najpovoljnijeg ponuđača za javnu nabavku usluga „**Hidrografsko snimanje korita rijeke Save u Federaciji BiH**“ broj 10-708-14/24 od 30.9.2024. godine iz razloga što je najpovoljniji ponuđač **GEODET d.o.o. SARAJEVO** putem dopisa broj 090-X/24 od 15.10.2024. godine odustao od ponude.

Član 2.

Kao najpovoljniji ponuđač za javnu nabavku usluga „**Hidrografsko snimanje korita rijeke Save u Federaciji BiH**“ bira se Grupa ponuđača: **ANGERMEIER d.o.o. SARAJEVO** i **GEO - PROJEKT SM d.o.o. SREMSKA MITROVICA**, za ponuđenu cijenu od **108.000,00 KM bez PDV-a**, odnosno **126.360,00 KM sa PDV-om**, kao sljedeći rangirani ponuđač nakon provedene e aukcije.

Član 3.

Protestuje se Garancija za ozbiljnost ponude broj: 1341026220748784 od 6.9.2024.godine, izdatu od strane ASA Banke d.d. Sarajevo, ponuđača **GEODET d.o.o. SARAJEVO** u iznosu od **3.846,00 KM** (riječima: **trihiljadeosamstotinačetdesetšesthiljada konvertibilnih maraka**).

Član 4.

Za izvršenje ove Odluke zadužuje se Sektor za ekonomske i pravne poslove Agencije za vodno područje rijeke Save, Sarajevo.

Član 5.

Ova odluka će se objaviti na web-stranici www.voda.ba, istovremeno s upućivanjem odluke ponuđaču koji je učestvovao u postupku javne nabavke, shodno članu 70. Stav (6) Zakona o javnim nabavkama.

Član 6.

Ova Odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 10-708-3/24 od 18.06.2024. godine. Javna nabavka je provedena putem otvorenog postupka. Procijenjena vrijednost nabavke bez PDV-a je 256.400,00 KM. Obavještenje o nabavci broj: 1132-1-2-68-3-73/24 je poslato na objavu i objavljeno na portalu javnih nabavki dana 19.08.2024. godine.

Na adresu Agencije su pristigle sljedeće ponude:

R. broj	PONUĐAČ	Cijena na (javnom) otvaranju KM (bez PDV-a)
1.	GEODET d.o.o. SARAJEVO	256.250,00
2.	Grupa ponuđača: ANGERMEIER d.o.o. SARAJEVO i GEO - PROJEKT SM d.o.o. SREMSKA MITROVICA	256.250,00
3.	Grupa ponuđača: GEOPROJEKT d.o.o. BANJA LUKA i GEOGIS d.o.o. BEOGRAD	256.310,00
4.	BNpro d.o.o. SARAJEVO	256.398,20
5.	INSTITUT ZA GRAĐEVINARSTVO IG d.o.o. BANJA LUKA	256.400,00

Komisija za nabavku je imenovana Rješenjem broj: 10-708-5/24 od 19.08.2024. godine. Komisija je blagovremeno i pravilno izvršila otvaranje i ocjenu pristiglih ponuda, o čemu je sačinila Zapisnik o otvaranju ponuda.

Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije. Komisija je konstatovala da su sve ponude prihvatljive.

Ugovorni organ je nakon pregleda i ocjene ponuda zakazao provođenje e-aukcije za 20.09.2024. godine u 14:00 sati.

Rang lista ponuđača nakon održane e aukcije:

R. broj	PONUĐAČ	Cijena nakon provedene e-aukcije KM (bez PDV-a)
1.	GEODET d.o.o. SARAJEVO	107.777,00
2.	Grupa ponuđača: ANGERMEIER d.o.o. SARAJEVO i GEO - PROJEKT SM d.o.o. SREMSKA MITROVICA	108.000,00
3.	Grupa ponuđača: GEOPROJEKT d.o.o. BANJA LUKA i GEOGIS d.o.o. BEOGRAD	127.700,00
4.	BNpro d.o.o. SARAJEVO	150.000,00

5.	INSTITUT ZA GRAĐEVINARSTVO IG d.o.o. BANJA LUKA	174.999,00
----	--	------------

Nakon održane e aukcije Komisija je sažinila Zapisnik o pregledu i ocjeni ponuda broj 10-708-13/24 od 23.09.2024. godine u kojem preporučuje izbor GEODET d.o.o. SARAJEVO kao najpovoljnijeg ponuđača. Nakon toga Ugovorni organ donosi Odluku o izboru najpovoljnijeg ponuđača broj: 10-708-14/24 od 30.09.2024. godine.

Ugovorni organ šalje Odluku o izboru, Zapisnik o pregledu ocjena, zajedno sa Obavještenjem ponuđačima o izboru najpovoljnijeg ponuđača 7.10.2024. godine putem elektronske pošte, a GEODET d.o.o. SARAJEVO potvrđuje prijem Obavještenja 14.10.2024. godine.

Dana 15.10.2024. godine Ugovorni organ je zaprimio Dopis broj 090-X/24 od 15.10.2024. godine od strane GEODET d.o.o. SARAJEVO u kojem se navodi da odustaju od ponude.

S obzirom da je GEODET d.o.o. SARAJEVO povukao svoju ponudu prije isteka važenja iste Ugovorni organ je dužan protestovati Garanciju za ozbiljnost ponude koju je Ponuđač dostavio u sklopu svoje ponude.

Shodno činjenici da je prvorangirani ponuđač odustao od svoje ponude, kao najpovoljniji ponuđač se bira Grupa ponuđača: ANGERMEIER d.o.o. SARAJEVO i GEO - PROJEKT SM d.o.o. SREMSKA MITROVICA, čija je ponuda po rang listi, nakon održane e aukcije, odmah nakon ponude ponuđača koji je povukao svoju ponudu.

Na osnovu navedenog odlučeno je kao u dispozitivu.

PRAVNA POUKA:

Učesnik u postupku koji smatra da je ugovorni organ donošenjem ove Odluke prekršio jednu ili više odredbi Zakona o javnim nabavkama BiH ili podzakonskih akata može shodno članu 99. i članu 101. stav (1) tačka d) Zakona o javnim nabavkama BiH izjaviti žalbu ugovornom organu u roku od 10 (deset) dana od dana prijema ove Odluke. Žalba se izjavljuje URŽ-u putem ugovornog organa u najmanje 3 primjerka. Žalilac je obavezan platiti naknadu za pokretanje žalbenog postupka (član 108. stav (1) Zakona o javnim nabavkama).



v.d. DIREKTOR

Dženana Remić, dipl. iur.

08.11.2024

Prilog: Dopis GEODET d.o.o. SARAJEVO broj: 090-X/24 od 15.10.2024. godine

Dostaviti:

- Sektori 50 i 10;
- Ponuđaču;
- a/a.